

比附律條

一發賣猪羊肉灌水及米麥等插和沙

比依客商將官鹽插和沙土貨賣者杖八十

一扯破寶鈔比依棄毀制書律斬

一姦義女比依姦妻前夫之女律杖一百徒三年

一姦親女比依姦子孫之婦又比依姦兄弟之女

者律斬決不待時律無該載合依比附律條斬

一男女定婚未曾過門私下通姦比依子孫違犯

教令律杖一百

一姦妻之母姨比依凡姦論

東京大學  
東洋文化研究所所藏  
漢籍善本全文影像資料庫

書名 [大明律例附解殘二卷]比附律條一卷 嘉靖二十三年邗江書院重刊本  
撰者 明 洪武三十年 官撰  
卷 卷一  
內容分類 史-政書-法令-律學  
索書號 大木-法類-律例-15  
編號 B3792800

[彩色首頁1](#)

[東洋文化研究所漢籍目錄](#) 編號: B3792800



[東洋文化研究所漢籍目錄所藏漢籍善本全文影像資料庫](#) 索書號: 大木-法類-律例-15

[漢籍善本全文影像資料庫](#) 文本 [\[大明律例附解殘二卷\]比附律條一卷](#) 嘉靖二十三年邗江書院重刊本

版權所有: [東京大學](#) [東洋文化研究所](#)

[使用上的注意事項](#)







比附律條

一發賣猪羊肉灌水及米麥等插和沙雜者

比依客商將官鹽插和沙土貨賣者杖八十

一扯破寶鈔比依棄毀制書律斬

一姦義女比依姦妻前夫之女律杖一百徒三年

一姦親女比依姦子孫之婦又比依姦兄弟之女

者律斬決不待時律無該載合依比附律條斬

一男女定婚未曾過門私下通姦比依子孫違犯

教令律杖一百

一姦妻之母姨比依凡姦論



一義男姦義母比依雇工人姦家長妻律斬

一姦乞養男婦比依姦妻前夫之女律科斷其男

與婦斷還本宗但強者斬

一女壻姦妻母係敗壞人倫有傷風化比依本條

事例各斬

一伴當姦舍人妻比依雇工人及奴婢姦家長期

親者律絞

一兄調戲弟婦比依強姦未成者律杖一百流三

千里

一強姦女比依姦子孫之婦兄弟之女律斬

一姦義妹比依姦同母異父姊妹律杖一百徒三

年

一弓兵姦職官妻比依奴及雇工人姦家長期親

之妻者律

一前妻子娶繼妻前夫女為妻律無文不禁

一姦繼母比依姦父妾律斬

一罵親王比依罵祖父母律絞

一罵三品以上官長比依罵祖父母律絞

一義子罵義父母比依子孫罵祖父母律絞

一既聘未娶子孫之婦罵舅姑比依子孫違犯教



令律杖一百

一罵主比依罵祖父母律絞

一毀罵職官比依奴婢罵家長期親論

一奴婢放火燒主房屋比依奴婢罵家長律絞

一誹謗 朝廷比依子孫罵祖父母律絞

一奴婢誹謗家長比依子孫罵父母律論

一殺義子比依殺兄弟之子律杖一百徒三年故

殺者杖一百流三千里

一妻之子打庶母傷者比依弟妹毆兄弟者律杖

九十徒二年半

一千戶私役軍人不從踢傷身死事發差人押解

不服又將解人打死比依故勘平人及毆差人

致死之罪相等律斬

一養父毆殺乞養子比依師毆弟子與伯叔父母

毆殺姪同

一乞養異姓子毆養父母比依僧道毆受業師與

毆伯叔父母同

一謀殺義叔比依雇工人謀殺家長已行罪同丁

孫殺父母已行律

一妻將夫毆打又行嚇說你每日將母打罵我去



告你以致夫自縊身死此依威逼期親尊長致死者絞

一巡捕弓兵捉獲強盜綁縛打死問擬供明

一如馳驟車馬之人不以資次緩行却自奔競因

而殺傷人者將使車之人拿送法司問擬明白

將頭匹付死者之家王犯發邊遠衛充軍

一民人結攬寫發此依禁革主保小里長生事擾

民論

一僧道打死徒弟比依伯叔故殺子姪律論

一負累平人致死比依誣告人因而致死一人論

凡官吏打死監候犯人獄卒非理凌虐罪囚致死者各絞

一給由牌誤比依奏事錯誤論

一倒使印信比依行移文書失錯論

一上直官軍上工人匠遺失銅牌木牌比依遺失

官文書律杖七十責限三十日尋見免罪

一打破信牌比依毀官文書律杖一百又比依棄毀制書論

一將大明律大誥扯碎比依毀板榜論

一遺失京城門鎖鑰比依遺失印信巡牌律論



一棄毀祖宗神主比依棄毀父母死屍律斬

一打破紗帽比依棄毀制書論又比依棄毀器物論

一三犯竊盜偽造上工人匠牌面帶入內府比依

廚役校尉入內懸帶銅牌木牌偽造者斬

一私煎銀兩比依常人盜倉庫錢糧律絞

一詐他人姓名註附木牌進內府不銷名字意在

陷害他人比依投隱匿姓名文書告言人罪者

律絞

一詐稱御史齎駕帖拿人比依詐傳詔旨律

一假寫家書詐稱寄來財物不行送還勒取人財

物者比依恐嚇取人財物計贓准竊盜論

一詐稱校尉拿人比依近侍人詐稱私行者律斬

一故無廩給與多支廩給者比依常人盜倉庫錢

糧論

一庫官偷盜官鈔四十貫律斬

一私賣自己官馬比依監守自盜倉庫錢糧律斬

一庫官多秤綿花比依多收稅糧斛回計贓重者

從重論

一庫官偷官鈔五十貫擬斬非發本庫交盤又盜



七十貫議常人盜官物論從重依前斬罪發落  
一借王府鈔六萬貫作本利銀十二萬借與人納糧費用比依監臨主守將在官錢糧侵欺入已及轉借與人扈從軍人將進內府財物比依常人盜倉庫錢糧論

一軍民人等舉放銀兩剋減軍糧比依知竊盜贓故買論

一隱匿費抄沒財物比依常人盜倉庫錢糧論

一丟白假銀及節次誑賺不知名人鈔五貫比依誑賺局騙人財物計贓准竊盜論免剋滿貫杖

一百流三千里

一出妻凡無應出義絕之狀而出之者杖八十完聚雖犯七出有三不去而出之者杖六十完聚  
一七出不順父母出無子出淫出有疾病出多言出竊盜出妬忌出

一三不去有所娶無所歸不去與更三年喪不去先貧賤後富貴不去犯義應離者杖八十

一夫妻不和諧而願離者聽離書務要丈夫親書手印縫內畫花字不能寫者方許親人原媒代寫



一前夫之子娶後夫妾為妻律既無文不問

一軍官將帶操軍人非理凌虐以致在逃比依牧民官非法行事激變良民者律斬

一軍官將羈管逃軍非法凌虐科差以致在逃比依牧民官非法行事激變良民律斬

一違例穿靴比依違制論

一過午門不下馬比依違制論

一雇工人做煙火點火人衆驚擠躑踏壓死比依燒香集衆夜聚曉散佯修善事扇惑人民為首者絞為從者流造作人不應從重論

一吏部吏典赴內府帶小牌不問收取問結擬不應從重論

一奏本赴內府帶小木牌一面放在承天門外不放被守把官軍奏發比依不應從重論

一官軍里老人等扶捏符同保結比依囑託公事當該官吏聽從已行未行律有賊從重論

一光祿寺廚役點燈偷飲官酒醉卧被火燒毀酒房并上用等酒比依放火燒燒係官積聚之物及盜內府財物律斬

一為事復職百戶謝恩為無冠帶借指揮鍍金



帶拴繫校尉捉獲百戶問逆制指揮問不應從  
重論校尉受賞

一邀截進賀表箋比依在外大小衙門進呈實封  
公文至 御前而邀截取回律斬

一偷盜所掛號令犯人首級者丟棄水中比依拆  
毀申明亭板榜律杖一百流三千里

一誣告答罪加所誣罪一等答二十加二等杖六  
十加三等杖九十

一運糧一半在逃比依凡奉 制書有所施行而  
違者律杖一百

一強盜不得財傷人比依白晝搶奪傷人者律斬

一告人打得實又誣告死罪未決不做誣輕為重  
就問誣告人死罪未決者杖一百流三千里

一尊長墳內熏狐狸總麻親族祖父母族伯叔父  
母兄堂兄妻附妻父母燒棺擲者杖九十徒二  
年半燒屍者杖一百流三千里

一夫棄妻之屍比依尊長棄毀總麻以下卑幼律

論

一父亡母改嫁生子母死前子盜母葬父墳內係  
不應從重論決



一將賢慈放入人糞門內淫戲比依穢物灌入人口律杖一百

一僧道徒第與師共犯罪徒第以依家人共犯免科

一僧道舊寺觀故僧遺存原造侍奉佛像三尊去別寺院侍奉比依不應從重論



刑律例附解卷之三



周禮謂地官司徒也掌

邦教敷五典總兆民

戶役直引曰戶役戶人也役差役也

脫漏戶口

凡一戶男婦全不附籍有田賦應該當役者家長

杖一百無賦役者杖八十附籍當差有賦役者依賦當差

無賦役者若將籍不附他人戶全隱蔽在本戶不

行報冊及以相詐冒合戶附籍他有賦役者